



**Claudii Fleurii Abbatis Historia Ecclesiastica**

Ab anno Christi 1460. usque ad annum 1478

**Fleury, Claude**

**August. Vind. [u.a.], 1768**

**VD18 90118332**

§. 28. Cardinalis de Turrecremata obitus

---

[urn:nbn:de:hbz:466:1-66459](#)

Sæcul. XV.  
A.C. 1468.

§. XXVIII.

*Cardinalis de Turrecremata obitus.*

Hoc anno die vigesima octava Septembris Cardinalis de Turrecremata obiit, annos natus octoginta. Hoc nomen sortiebatur a nativitatis suæ loco, qui Hispana lingua *Torquemado*, ac latine idiomate *Turris-cremata* dicitur, atque in Palencensi Dioecesi situs est. Is ordinem S. Dominici in couventu Vallisoletano primum professus, singulari scientiarum laude in universitate Parisiensi clavuit, atque academicis honoribus ornatus, Theologiam, atque Ecclesiasticam Jurisprudentiam publice tradidit. Dein in Hispaniam redux, haud diu ibidem morabatur, sed Anno millesimo quadragesimo trigesimo primo ab Eugenio IV. Pontifice Romam vocatus, Magister S. Palatii renuntiatus est. Decernebatur

ad

---

quam ut illos duntaxat Principes tanquam magnanimos deprædicet, qui profuso in vulgus auro inquietorum ora obstruunt, aut crebro armorum strepitu exterorum regiones invadunt, indeque suis prædandi spem faciunt; illos econtra Principes vulgus contemnit, qui pace, ac salutaribus consiliis & legibus calamitates belli redimunt, ac patriæ incolumitati consulunt.

ad Basileense Concilium, ubi acriter contra Hussitas conflixerat, & Pontificis auctoritatem egregie tuebatur. Demum ad Florentinam Synodum accersitus, cum Marco Ephesino in arenam descendit; tandem in laboris præmium Anno Salutis millesimo quadringentesimo quinquagesimo nono ad Cardinalitiam dignitatem sub titulo S. Sixti electus, in Franciam Legatus mittebatur, ubi Bituricensi conventui interfuit. Pluribus Legionibus decoratus, Anno Christi millesimo quadringentesimo sexagesimo primum Gallæciensis, demum Albanensis Episcopus nominatus est, quam tamen Sedem quarto post anno cum Episcopatu Sabinensi permutavit. Plurima ingenii sui monumenta posteris reliquit, quorum tamen stylus minus limatus, barbariem, & scholasticorum atque Canonistarum sterilitatem redolet: Theologiæ, ut in Scholis traditur, ac Jurisprudentiæ disciplinas indefesso studio excoluit, omnesque utriusque scientiæ subtilitates mire assecutus est, easque ingenti facilitate in usum deduxit.

### §. XXIX.

#### *Hujus Cardinalis Opera.*

Eo Auctore in lucem prodiere, *Com. Collect. Cons. mentarius in decretum Gratiani*, quinque

P. Labbe  
tom. 13.